

獨

學

廬

三

稿

獨學廬三稿目錄

卷一

晚香樓集

七盤關感舊

褒城驛疊已未舊作韻

潼關官舍題壁

喜吳生無山來詩以贈之

讀史有感二十絕句

古北口

恭與中秋節

內讌紀

恩詩

九松山寺和壁間諸公倡和韻

薊州旅店題壁

偶成二首

蘿莊圖為蔣伯生少尹賦

詠水仙

丁卯正月十七日偕孫淵如張萼樓兩

觀察訪趵突泉之勝追和趙松雪詩

韻

春日過田家

木蘭從軍圖四首

丁卯六月緣事受替將入都門孫淵如
觀察餞我於滙泉僧舍即席賦別並
訂南歸之約

至都後淵如和前詩見寄再疊韻答之
寄周素夫運判三疊前韻

借居松筠菴四疊前韻

引疾南歸五疊前韻

到家六疊前韻

寄答蔣伯生少尹和章七疊前韻

翁覃溪先生命題法源八詠詩畫冊

書梧門前輩畫扇三首

韓桂舫司寇五十初度疊丁巳壽言元

韻奉祝

題法時帆先生玉延秋館圖

題宋香巖雙松書屋圖

題張友樵竹笑蘭言圖

題陳潔夫道士畫真二首

題故侍御孫頤谷先生深柳勘書像卷

寄懷餘杭令張蒔塘明府

游理安寺訪寒石上人二首

湖上四首

韞光菴主屬題夢禪居士觀海圖二首

題孫觀察景曾江湖高枕圖二首

題陳蓮夫進士倣王石谷山水為楊補

帆作

支硎山吾與菴圖卷為寒石上人題

消寒雜詠九首

題雪竹畫幃

嘉興楞嚴寺贈會一上人

畫鷹

偶成

趙訓導開仲余老友也今年七十賦懷
人感舊之詩一百四十章中有見懷
之作未及寄而歸道山矣其孤錄示
遺草覽之慨然因和四律寄哀

奉和翁覃溪先生雲林寺題壁詩

和韓昌黎城南詩題陸耳山先生遺草
空谷

人日雪

春日過淨慈寺

理安寺題壁

世事

山居漫與二首

寒食

題王藝芸遺像

題胡秋白小檀藥室讀書圖

戊辰述夢

陳竹崖觀察鑑舟圖

西湖泛月圖為董瑞峯太守作時太守

將入都即以送別

雙旌謠

晚香樓集二

觀阮芸臺中丞靈隱書藏賦此奉簡

題汪氏六息齋印稿

讀任昌運廣文香杜草書跋二首

六如詩六首

鳳凰山館圖為楊補帆題

客饋金鯽魚以盆蓄之而志以詩

柴門臨水稻花香圖卷為何秋濤題

更生居士挽辭

山行口號

題蔣于野水竹莊圖

題嬾愚和尚面壁圖

初夏

對雨二首

齊北瀛編修惠琉球竹簑楊補帆為我
作翠微圖詩以謝之

蔣生炯約游大滌洞天余不果赴其歸
也言石壁題名有宋人與余同姓名
者因賦詩寄之

叙永周司馬六十壽言

簡山陰蔣光弼明府即以贈別

無題四首

讀半山集書後二首

畫屏四詠

羅敷採桑

韓文靖夜讌

張果老移家

陶穀掃雪烹茶

秋懷雜感十七首

蘭溪舟中

曉達鳳山門

生日漫成十二首

孤鴈二首

落葉三首

周廉堂少宰使院觀劇有感二首

讀李墨莊員外詩卷書後四首

題楊補帆仿王石谷吳江秋色圖卷二

首

孟冬之晦大雪寒石上人折柬相招山

樓信宿即事成篇二首

煮雪

賞雪

詠雪

泛雪

夜宿理安方丈呈寒石大師

聞劉金門遣戍黑龍江賦詩奉寄無懷

邱芝房六丈二首

僧舍探梅

題蔭香小影無調伯治二首

韓桂舲中丞過杭見訪率賦并懷張菊

溪尚書

圭峰圖為顧景岳太守作

己巳除夕

晚香樓集三

庚午元旦

項秋子邀至甘遜村看桃花舟中即席

分韻得兩字

靈隱話雨圖為顧星橋作

送夢芝隨高中丞之皖

陳古華太守五十學書圖

題滕澍蒼課孫圖

寄居孫氏一榭園奉懷主人淵如觀察
拜于忠肅公墓

題杜素芬憐影圖即和卷中自題詩韻
明周忠毅公玉印為蔗堂少宰賦

題沈三白琉球觀海圖

韓雲溪登岱圖

石門顧仲歐山人以詩見投次韻奉報
初春大雪賈竹坪分司携酒至吳山三

茅觀招飲楊子補帆繪圖紀事漫題

五絕句

夜卧聽雨

石屋洞訪聖菴上人和壁間寒石大師

詩韻

金華觀鬪牛歌

書扇

臘月十九日東坡生辰項秋子招集同

人祀於西湖蘇公祠賦詩紀事

白門感舊四首

雲自在圖五首為澹雲和尚題

和林和靖小隱之作

春郊踏青過結草庵

答友

采石山和林處士韻

太白樓

林和靖有深居雜興詩十章愛其閑適
依韻和之

游石屋洞留贈聖菴上人時上人方讀

啓世經

中秋過澄谷上人吾與菴因同訪天平
山白雲泉之勝黃子紹武即事成詠
偶步其韻三首

曹友梅山水畫卷為沈綺雲題

二鳥

寒石上人歸吳中吾與菴賦此奉寄

陳笠瓢同年移任江西布政使賦此送

別

詠小忽雷四首

題長江放櫂圖為陳生兆元作

壬申花朝與方葆巖尚書孫淵如觀察
吳夢花文學同登清涼山江光一綫
閣茶話走筆成篇

金陵隱仙菴有古梅一株相傳齊梁舊
物也春分始花即事成詠

題師竹道人載鶴圖

瀆川春泛圖四首為馮秭生題

夜游白雲泉圖為觀性上人作

題比丘尼韻香空山聽雨圖四首

錢清蓮總戎畫像四首

送尹蕉園方伯入都述職

王西莊先生桐涇草堂圖卷四首

金梅尹畫像

戲作藏頭詩

和答黃紹武表弟蕪訂消寒之會二首

沈古心松間對酒遺像

壬申除夕

晚香樓集四

癸酉元旦

花朝試筆二首

寒石和尚七十壽言

和寒石和尚七十自壽詩

舟中口號二首

奉題明虞部郎葉天寥先生戴笠像卷
癸酉上巳廖復堂轉運招集題襟館修
禊與吳穀人洪桐生江易堂貴中孚
張船山諸君子分韻得聊字

感春四首

題吳枚菴畫像

食瓜偶成

孤竹圖為王生秋濤題

裴夫人壽言

六月寒

題江水月道士畫真卷

和李長吉惱公詩五十韻

蒼聖祠

山居十五詠

鶴壽山堂

獨學廬

舒詠齋

晚香樓

五柳園

花間草堂

滌山潭

微波榭

花韻菴

夢蝶齋

瑤華閣

歸雲洞

卧雲精舍

連理桑

在山泉

賦得春來徧是桃花水和菊溪相公憶
武陵舊游之作與吳生無山同賦

喜同年張船山太守卜居吳門

答張蔣塘大尹

飲酒莫愁湖上醉中走筆成篇

楊州遇沈星槎秀才賦贈

隨園看牡丹追懷簡齋先生二首

秋日遊西山和黃莢圃韻八首

題子婦慧文三十學書圖卷二首有序

六浮閣觀梅圖為穹窿道士作二首

題孫淵如畫真

楊樹堂聽松圖

閒步小園口號

暮秋感事五首

穹窿道士王秋谷一邱一壑圖

松桂讀書圖為同年王珠潭大尹題

客舍偶成二首

題周勗齋載菊圖卷四首

送周燕堂大司空入都

晚香樓集五

晚香樓守歲作

菊溪相公遣人饋歲賦詩寄謝二首

送陸壻卓夫入都赴春官之試四首

讀蔣心餘彭湘涵郭頻伽詞草各繫一

詩

初春至鳳巢訪會一上人雪中呵凍錄

成二十四韻

春中得朱晉階中丞陝中消息書以志

事

默堂小飲既醉秉燭夜歸

樂餘老人八十壽詩

和寒石大師

寒石師新得怪松一株植於披雲堂前
名之曰曲壽即莊生所云不材之木
以天年終之意賦詩見示依韻奉酬

小園即事二首

春日招蕪山小飲以詩代簡

紙鷲二首

假館孫氏五松園和唐陶山太守題壁

詩韻三首

門有車馬客行送張古餘太守入都

謝客

小遊仙詞八首

夜宴即事

初夏歸家

江上

庭前牡丹盛開

對雨

館娃宮四首

悼船山同年三首

題船山遺墨

杏花白燕圖二首為蔣伯生大尹題

楊雪湖先生遺像

將赴維揚舟次和子鐵秋陶小松聯句

之作四首

諸子繼作疊前韻和之

邗上贈龔平甫即題畫像

廖復堂轉運新築歸鶴亭賦詩落之

食車螯作

題孔夫人畫像二首

重九日偕張蒔塘入鳳巢訪會一上人

贈柏菴沙彌

倪高士竹石圖

重過鳳山小隱

夜坐吟

秋燕

張友樵六十壽言

猛虎行

秋興八首和少陵韻

和荊溪相公瓜步舟中之作二首

京口舟中感事偶成四首

讀彭甘亭廢畦斷橋二詩感而和之

枕上口占

書逋日積賦此自嘲

揚州作二首

寄懷幺姬

抱膝吟八首

袁浦除夜作

晚香樓集六

乙亥元旦

題天池生畫雪裏芭蕉圖

春陰

春日訪澄公用東坡贈參寥師詩韻

翌日同往祭船山太守賦詩述事和紹

武韻

會一上人圓寂于鳳巢賦詩哀之

題趙開仲雪江垂釣圖卷

暮春

夢中和人作

題五嶼讀書圖

雨中悶坐四首

春日重過一榭園

江上作二首

登窺園閣呈淵如先生

秦淮上巳

燕子磯

晚泊紗帽洲

假館休園四首

湖上二首

繡毬花

觀繩伎作

休園八詠

三峯草堂

嘉樹讀書樓

春雨亭

雲峯閣

空翠山亭

希夷花徑

竹深留客處

來鶴臺

讀劉文清公集有書齋偶成四律寄情
高遠依韻和之

秋日與姚皖麓沈雪樓兩孝廉王秋濤
陳小松兩茂才暨陸壻卓夫同游興
教寺漫題方丈

將之江寧自江都泛舟至儀徵即景成
篇

客夜

刻船山詩鈔畢題詩於後

方尚書挽詞

追和船山太守自題惜馬圖詩

自江寧放舟還維揚即事成篇二首

和休園主人自題詩韻

王東卿山水畫幀

邗上送蕪山北上

即事成詠二首

舟至潯墅雨阻不得歸

六十自壽八首

韓聽秋以天台藤杖見貽賦詩奉謝

蔣堯農自山東來賦詩為壽依韻奉酬

二首

初冬至天平山看紅葉因訪澄性上人
雲泉精舍題壁

蔣伯生大令浚玉女池獲秦碑殘字拓

本見貽走筆作長歌紀之

詠史二首

觀戲有感四首

桐城兩賢行

挽同年伊墨卿

吳曇繡挽詞

陶雲汀給諫寄示皇華草湯成二律

孫淵如五畝園圖四首

將去金陵留別夏生文茵四首

老態漸生口占自嘲二首

為馬星璿題照二首

獨學廬三稿

晚香樓集一 古今體詩一百三首

東吳石韞玉著

七盤關感舊

秦山萬疊塞蒼冥
蜀道西來若建瓴
白屋數家成聚落
青天一障作藩屏
重經廢壘觀兵紀
曾踐危塗仗佛靈
問訊抱關人識否
棄繻客已鬢生星

褒城驛疊已未舊作韻

十年詩句滿弓衣
湖海豪情老去微
山路春寒

花信晚潢池兵戢羽書稀一溪水暖魚知樂萬
里風高鳥倦飛誰識當時劉越石夜深清嘯坐
重圍

潼關官舍題壁

馮翊古王畿官衙向翠微有秋田畯樂無訟吏
人稀望嶽三峯近臨河百雉圍此邦風俗好擬
住十年歸

喜吳生無山來詩以贈之

無計求金學鑄顏頻年車馬各閒闕家移蜀道
青天外客至秦風白露間逖聽喜聞鶯出谷倦

飛常羨鳥歸山蕭郎刻燭蓮花幕百首新詩手
與刪

讀史有感二十絕句

約法三章漢業基蓋公清靜亦堪師千秋良史
龍門筆不錄長沙痛哭辭

漢代文章首過秦賈生才調軼羣倫豈無政事
陳宣室却向官家說鬼神

城南金彈逐韓嫣鄧氏銅山許鑄錢可惜容華
不敝席也隨紈扇向秋捐

漢皇置酒坐叢臺倏覩熊羆出桺耒祇有婕妤

當路立六宮粉黛各徘徊

經術為郎滿後塵駟牙欲問更無人公車枉費
三千牘止向金門作弄臣

柏梁一炬本灾祥萬戶千門又建章何物濟南
公玉帶荒言傳會到明堂

徐福求仙事已空荆湖丹鼎竟何功獨留五利
文成革夜聽神君語帳中

燕馬臨江欲渡時謝家賭墅尚圍棋八公草木
供驅使始覺書生却彀奇

不見朝陽鳳有聲兩行仗馬各爭鳴却嗤修竹

眞無謂故借甘蕉博直名

大烹原出養賢懷議蟹評羊話亦佳一自堂餐
尚蔬筍百官多學太常齋

盧杞奸回鬼蜮同粗衣糲食亦清風鳴鐘列鼎
汾陽第却奏唐家再造功

繡嶺宮前百草芳禊游士女蹋春陽驪山樓閣
連雲起止為蓮花第二湯

孟嘗門下雍琴哀風雅平泉又劫灰何待胡柈
八百斛烟雲竹帛總生灾

黃髮三公坐論臣金甌卜相擇良辰如何門下

中書考竟到滎陽歇後人

衆鳥爭投一目羅不求聞達亦名科朝廷偶賁
邱園帛從此終南捷徑多

金屋藏嬌鬥管絃衲衣乞食送殘年婦人醇酒
歡娛事輪到英雄劇可憐

新莽談經漢社墟熙寧扣相事勢如通人欲廢
周官法兩度蒼生誤此書

馬滑霜濃絕妙詞何人傳到九重知風流終讓
開元主容得新粧飛燕詩

負乘曾聞致寇來魏公心學世同推六軍已化

符離土主將殄聲夜若雷

緣覺聲聞事漸訖法輪徐轉到天魔阿難不避
摩登劫佛國心傳秘密多

古北口

兩崖闢如戶襟帶古長城野水鉤盤曲沙堤輦
路平連山淡秋色落木起遶聲

聖世無中外重關不禁行

恭與中秋節

內讌紀

恩詩

禁門曉啓聽傳呼中外千官夾道趨舞到象筵
知舜樂親承萐脯出堯廚簽名引對

仙階近鼎食分頒

帝澤殊疎逖小臣叨與會明良如覩古唐虞

九松山寺和壁間諸公倡和韻

驂駢出塞偶停踪閑欵山門叩佛容天外雲歸
常戀樹日遣人至欲登峰客名新舊交題竹世
事榮枯尚夢松襟帶三韓形勝在蒼茫吟望獨
支筇

薊州旅店題壁

我馬從東道青山繞塞垣秋風灑水早烟樹薊
門繁笙磬聞天樂衣冠拜

寢園平生行役久攬勝又今番

偶成

手采蘋花寄所歡所歡家在碧雲端秋河清淺
纔如帶咫尺相望欲渡難

綠樹無窮雉堞西画樓高與碧雲齊仙源故迳
分明在不見當時舊酒旗

蘿莊圖為蔣伯生少尹賦

讀罷新詩念古歡參軍俊逸歷詞壇碧山屋老
牽蘿補翠袖人歸倚竹寒叵耐青齊多鈍士竟
教屈宋在衙官即今朱邑桐鄉社猶作元卿舊

裡看

詠水仙

山中芳草得春遲
欲採瑤華慰所思
冷艷不愁梅奪寵
幽香未許蝶先知
生成仙骨真無耦
願託微波定有詞
偏是歲寒能耐久
瑣窓風靜月明時

丁卯正月十七日偕孫淵如張萼樓兩觀察訪趵突泉之勝追和趙松雪詩韻

印篋封時吏牘無
翠微佳處共携壺
夕陽瑣碎千波暎
春氣昭蘇百草枯
地脉潛通秦龍井
泉

聲清入濯纓湖昔賢觴詠風流在暇日登臨興
不孤

春日過田家

漸覺春寒褪山花次第開一林風解籜三月雨
迎梅老屋多因樹間庭半著苔忽驚車騎至官
為勸農來

木蘭從軍圖四首

何事嬋娟亦請纓軍書卷卷有爺名迷離不辨
雌雄相羸得歸家火伴驚

戰伐河湟不計年明駝千里凱歌旋當時畫出

傾城貌應在淩烟將相先

鐵衣脫却玉鞭停諸將雲臺盡勒銘幾許河山
如帶礪也應封拜到雌亭

文武才難歎道窮翻教巾幘著雄風芳名合與
黃崇嘏同入辭人樂府中

丁卯六月緣事受替將入都門孫淵如觀
察餞我於滙泉僧舍即席賦別並訂南
歸之約

十年鞅掌苦勞薪豈得今朝自在身無恙雲林
應住佛有情魚鳥尚依人霜前落葉先辭樹風

裏飛花不戀茵
話到故山松菊好
歸田相約五湖濱

至都復洲如和前詩見寄再疊韻答之
館閣多才似積薪
逢場竿木且隨身
長安日近歸仙吏
笠澤書成屬散人
欲向明星祛貫索
曾經暢轍賦文茵
他時一榭園邊路
願駕蘭橈問水濱

寄周素夫運判三疊前韻

文章契合火傳薪
曾識彭宣衆裏身
東海魚鹽容傲吏
南樓風月屬騷人
良朋祖帳陳瑤席
仙

侶同舟接錦茵俟我燕鱸歸計穩好音當報楚
湘濱

借居松筠菴四疊前韻

幽居花木未為薪彌勒同龕媿色身彈指去來
成小劫驚心老病作陳人暫依方丈安書策欲
假員蒲換繡茵十二因緣皆幻相不須多戀愛
河濱

引疾南歸五疊前韻

老學維摩示采薪金剛不壞定中身碧山久負
三生約黃土虛圓六合人祖帳東門車似水班

荆南浦草如茵魚龍變化風濤裏鷗鳥忘機自
海濱

到家六疊前韻

世事如棋問積薪英雄顛倒百年身山中葯有
當歸草嶺上雲無可贈人自啟書倉尋蠹簡閑
携釣竹坐苔茵不須更索金門米手采蘋花到
澗濱

寄荅蔣伯生少尹和章七疊前韻

庶吏兒孫幾負薪當官不改苦吟身碧蘿夢遠
懷佳士白雪歌清有和人識字能名千日酒談

經欲奪五花茵芳桐在爨終逢賞豈許琴材老
泗濱

翁覃溪先生命題法源八詠詩畫冊

不聽鐘聲已十年重尋位業託諸天間拈枯管
酬詩債喜覩香林入畫禪色界常留花供養文
人都結佛因緣公門依舊彭宣老點點霜華到
鬢邊

書梧門前輩畫扇三首

采采菱花寄所思綠雲一朵墮湘湄故人若問
儂消息笑指游魚上竹時

綠蓑青笠古元真誤向桃源一問津滿地江湖
歸未得臨淵尚有羨魚人

我本烟波舊釣徒十年夢想在蓴鱸秋光正好
人猶健一片歸心向五湖

韓桂舲司寇五十初度疊丁巳壽言元韻

奉祝

大衍推初祐羣公會集仙鶴觴千里醞錦字九
如篇亥筭珠盤演庚籌海屋舉誦詩聞政早讀
律致

君先問竹仍三益懸弧又十年丹霄登益上白

壁礪彌堅陳臬衡湘肅開藩閩嶠專拜恩

彤闕下掌禁白雲邊盛代虞球叶名家魏笏傳
析圭豐歲玉作楫濟川船門列于公駟銘恭孔
父饘蕭齋臚茗簞米舫聚雲烟陰德如鳴耳貧
交尚拍肩椿枝欣永茂瓜瓞祝新綿佳客歡聯
襪良辰卜肆筵筵評尊正鵠士論佩韋弦蘭契
山陰謝琴思海上連勛華裴相重廡讓范卿賢
贊化三台近明刑五教宣載賡介麋什重寫衍
波牋

題法時帆先生玉延秋館圖

我聞古仙人呼龍種瑤草鍊氣服玉英顏色常
美好又聞青城山蹲鴟世所寶山人餌為糧終
歲坐安飽詩龕有詩人嗜好酸醎表食古味道
腴清氣滿懷抱新起玉延館雲山四圍繞分畦
別縱橫埋根任顛倒修蔓綠雲紆繁花白雪皜
種方邵侯瓜瓠等鄙人稻堅白截肪同方正割
肉巧烝雲竈守嵇和羹鼎取邵甘需蔗霜調辛
謝壘臼搗入藥延顏齡題饒補韻藻釋名神農
闕擇術齊民討艷菴吾鄉賢與公有同好築亭
繪作圖好事石田老佳話在藝林長老尚能道

孔食思匏瓜曾嗜傳羊棗哲人適其性不學凡
俗矯芋分瓚師香飯笑劉公晶飲啄應隨緣豈
容世情擾萬羊官廚多半菽園叟少豐儉各有
時達人任所造寫生索迂倪吟詩逼瘦島試補
食品書攬者備稽考

題宋香巖雙松書屋圖

鬱鬱蒼虬吼紫淵故家喬木惜摧殘栽成梁棟
材非易特達雲霄願亦難幸有春風常長養應
隨修竹報平安賦梅吟杏緣何事留取貞心證
歲寒

題張友樵竹笑蘭言圖

坐守圓蒲繡佛前
蘭言竹笑趣天然
偶因妙墨徵書聖
幻出幽棲入盡禪
蒼水使來傳秘錄
素心人在近斜川
太平草木閒驅使
補徧娜嬛博物篇

題陳潔夫道士畫真二首

幾載朝元侍玉晨
天生仙骨自超塵
真靈位業談何易
暫作青山獨往人

移宮換羽十三徽
此藝知音世已稀
只恐碎琴人太激
獨尋山水弄清暉

題故侍御孫頤谷先生深柳勘書像卷

平子歸田鬢尚青
幾人載酒到雲亭
湖山壇坫生蒼草
奎壁文章帶柳星
地近癸辛耽著錄
日逢庚子拜遺經
故家大有書楹在
呵護天應敕六丁

垂柳垂楊夾兩楹
春風鷗鷺舊同盟
一家文苑傳薪火
萬卷書城鬥墨兵
絳帳授經秦博士
青衿問字魯諸生
我今繼作西湖長
瞻望前旌欲問程

寄懷餘杭令張蔣塘明府

十八年來宦轍分重逢轉更惜離羣共驚鬚鬢
經時改却喜謳歌載道聞百歲大椿多愛日三
春芳草企傳雲餘杭父老多藏酒應解躋堂壽
使君

游理安寺訪寒石上人二首

繞寺松篁翠接天綠陰小逕若螺旋一輪月滿
千波印七佛燈明半夜傳伏席誅茅留古剎呼
龍咒盃出靈泉上人夢想吳山好倚杖行吟夕
照邊

儒門蕪善佛門空識得真如萬法同問字人來

梅熟後談經客坐桂香中
半天花落心無染
千偈瀾翻辨不窮
諦聽龍吟枯木句
萬松巔上一龕紅

湖上四首

迤邐湖南路迴巒
護古城水光搖竹色
巖溜雜松聲
折柳閑調馬
携柑試聽鶯
相逢一片石
聊與證三生

萬竹南屏麓
潛公古道場
鳥歸青嶂寂
鐘度白雲涼
一逕緣芳草
數峯留夕陽
三旬三度至
信美即吾鄉

繫纜茅家步祇園現化城靈山天外落神漢石
中生洞古呼猿出亭虛放鶴行此間飲水客冷
暖向誰評

問訊韜光院雲林舊結鄰尋春開士宅說法宰
官身地僻雲藏屋峰高月近人山僧命名意誓
願隔紅塵

韜光菴主屬題夢禪居士觀海圖二首

驚嶺峒峩若可攀萬竿烟雨護禪關華嚴樓閣
莊嚴甚只在文殊彈指間

四十年華一剎那尚留清夢在雲蘿翩翩當日

佳公子畫到靈山鬢已皤

題孫觀察

景曾

江湖高枕圖二首

知君宦海收帆早風月平章到此時我亦杭州
買山住秋湖同採綠萼絲

楚江一棹儘夷猶回首湖湘憶舊游最是岳陽
風景好白雲紅樹萬山秋

題陳蓮夫進士倣王石谷山水為楊補帆
作

石谷畫山水

本朝第一手楊子今畫師心契蓋已久此畫出

陳生規撫十得九烟嵐萬千疊頗自誇腴厚豈
以千金賞自享貧家帚弄斧公輸門匠心定未
苟我不識陳生楊則神交久我與沈三白六法
有所受後生張伯雅暱我呼小友兩人迷楊子
膾炙不去口芳聲耳馬熟識面緣未偶今來鳳
山住忽有款門叟手持一軸畫精神甚抖擻口
致主人詞索我標其首畫叅南北宗變化非墨
守邱壑惟心造烟雲供驅走張我虛堂中如人
入林藪宜乎賞心人寶藏若瓊玖放言述顛末
蕪語愧壘口

支硎山吾與菴圖卷為寒石上人題

勝跡不在遠所貴凡塵隔城西不廿里窈然靈
境闢莊嚴古道場疇昔支公宅其旁有茆菴林
麓更幽僻上人今槃可于焉託晨夕空潭魚自
行嘉樹鳥非擇人生宇宙間去來元如客心賞
即此佳緣盡還他適要知三生因寒山問片石

消寒雜詠九首

謝却門前長者車翠微佳處一樓居恨無廣厦
棲寒士幸有名山繞敝廬采藥畧通扁鵲術栽
花燕習橐駝書行人指點前朝迹道是嚴光舊

住閭

仙家樓閣迥超塵問訊巢由許卜鄰
鏡裏烟霞都入畫壺中歲月自長春
栽成柳樹將歸隱悟徹桃花不問津
遙望滄江波萬頃可能清似在山人

歲歲樓船苦戰征鯨鯢跋浪尚偷生
共嗤灞上如兒戲忽報壺頭喪老成
諸路飛書稱斬馘何人籌海計澄清
勞師糜餉終非策應絕龜茲市舶行

十五吳姬頗有家畫船簫鼓雜鳴笳
神娥誤入

行雲峽豪客常乘貫月槎鳳水一軍方化鶴錦
帆千里自移花摩登忽遇脩羅劫誰與招魂到
海涯

息夫歷詆漢公卿天道由來最惡盈金穴藏身
營不已冰山殫指勢全傾鷹鷂搏擊乘時起豺
虎貪殘自性生十載光陰如轉燭窮泉相見各
吞聲

積石洪流萬里馳歸墟無路計焉施欲拯魚鼈
登安土祇見金錢寫漏卮瓠子防秋空聚訟阿
膠止濁孰能為疏河弗及排淮策都恐元圭奏

績遲

鄒衍談天述九州慈悲無愛墨家流鐵圍三界
輪常轉金色千身道自修執著磨塼難作鏡悟
時剗木即成舟文人別有生天業鬼角龜毛不
用求

菴室親題獨學廬光陰分寸惜三餘苦緣老至
多忘事愛讀平生未見書萬卷經生空祭獮三
箋博士尚亡驢文章經世元非偶滿目粃糠孰
掃除

畢竟歸田寢食安十年空戴遠遊冠學成畫虎

談何易藝習屠龍試亦難哀樂聲從琴上得輸
羸局向橘中看此間佳趣誰能奪繡佛蒲團坐
歲寒

題雪竹畫幀

閑向湖州問韞材一竿斜倚玉塵堆諸天法會
多花雨孤竹生年在墨胎蘭草有情堪作媵甘
蕉無罪莫相猜都緣畏暑淇園長故近袁安隱
處栽

嘉興楞嚴寺贈會一上人

世尊滅度幾千春再見靈山結集人千偈不窮

瓶寫水五燈無盡火傳薪閑栽薝蔔成香界靜
對芭蕉悟色身導引羣生修慧業居然寶筏渡
迷津

畫鷹

繁林搖落爾安歸勁翮思秋願已違飲啄不隨
凡鳥隊網羅先避弋人機一生擇木常孤立萬
里看雲早倦飛記否將軍渭城獵也曾衆裏著
聲威

偶成

築室吳山曲幽棲玩物情雙禽時並下一竹自

孤生水鏡浮花豔風琴倚石清門多車馬跡豈
易說逃名

趙訓導開仲余老友也今年七十賦懷人
感舊之詩一百四十章中有見懷之作
未及寄而歸道山矣其孤錄示遺草覽
之慨然因和四律寄哀

卅年臭味喻蘭修一夜深藏大壑舟七十年華
悲馬齒二三朋舊失龍頭將歸不忘平生契垂
老同驚歲月流異日山陽感嵇呂倚樓人向笛
中求

少歲相逢士禮修澄江如練好方舟芳聲不礙
桐經爨妙語能令石點頭綠竹與人皆有斐碧
桃同社總名流倚裳聯襪頻追逐喬木空山鳥
自求

松陵酬唱古歡修時繫滄浪載月舟君自談經
揮麈尾我偏橫槩掃旄頭故人雨逐浮雲散處
士星隨大火流却慟左思有嬌女零丁今向夜
臺求

先生季女余之冢婦
也亡已十五年矣

每學山陰禊事修或因訪戴共扁舟論文不讓
猗玗子置酒曾呼菊部頭百首竹枝傳舊俗一

家鳳羽冠諸流不將封禪留遺草祇有潛夫論
可求

奉和翁覃溪先生雲林寺題壁詩

先生手寫金剛經供養寺中並屬以新
刻詩集寄貯經藏賦詩題壁因和此篇
並邀陳桂堂同年同作

手寫曇章付梵天靈山結集舊因緣護持法藏
真如印接引迷津大願船古德莊嚴千劫在新
詩微妙一燈傳他時同證菩提果仍約皈依絳
帳邊

和韓昌黎城南詩題陸耳山先生遺草

耳山先生和昌黎符城南讀書詩以示
令子秀農洎先生歿後秀農繪和韓遺
訓圖徵詩因賦此

文章載道器名亦德之輿韓公斗山客所業在
儒書讀書究三古抗志立四虛道闡二儀外學
衍九疇初博麗宏兩京哀怨追三閭俯覽當世
士一切皆蔑如纂言烏成馬隸事獮祭魚振奇
入荒誕愛博嗤空疎文苑若聚訟適供人軒渠
自矜龔北馬終作遼東豬無成等項籍虛生類

曹蜎笑鵬齊二鳥附蠅集三蛆古今一邱貉相
士當以居緬惟明德後達者其誰歟雲間陸士
衡胸次萬卷儲機袖由已出寧屑撫唾餘游心
姚姒代賈勇弗次且學術戒歧趨非種必與鋤
陳言掃芻狗高躅鳴金驢手和城南篇經訓闢
新畬古賢惜分陰常恐歲月除自樹士林臬豈
曳王門裾有子習庭誥蘭芽播令譽書倉積高
廩學海宗歸墟杜陵美驥子陶令責阿舒哲人
謀燕翼善誨寔愛諸道岸登必先勿使中路蹢

空谷獨幽尋孤筇訪道林漸忘行路苦不覺入
山深枯樹無生意冥鴻有遠音崢嶸歲將晏風
雪助愁吟

人日雪

萬里同雲接混茫六花飛灑徧江鄉才高柳絮
終無敵春在梅花自有香天上玉龍方戰鬥世
間金虎已消亡不能竟學袁安卧寂寞題詩寄
草堂

春日過淨慈寺

蠟屐無端訪薜蘿鐘聲遙度白雲阿節過雨水

春波長地近雷峯夕照多黃土搏人忘舜跡青
山卜宅問羊何鴻飛早向冥冥去回首平原盡
畢羅

理安寺題壁

九溪環佛刹猿鳥若為鄰澗放有源水花開無
量春雲林千劫在風月四時新卻怪脩羅道多
生入轉輪

世事

世事浮雲變天心皦日明百花原共命一鷄自
孤鳴舊雨方招隱新田欲耦耕海翁機已盡鷗

鷺近同盟

山居漫興二首

歸田幸及

聖明時自斷行藏豈數奇
盟谷壽康從李愿
輞川清妙愛王維
湮聲解藉花奴鼓
危劫逃憑橘叟棋
野老不妨爭席坐
肯教人誦伐檀詩

山廚櫻筍好安排
處處尋春有客偕
水暖漸看魚潑潑
林深惟聽鳥喈喈
竹因醉日移常活
花到生朝賞更佳
十里蹋青湖上路
采茶新曲唱

吳娃

寒食

暖風吹綻海棠花花外紅樓小玉家清酒一尊
寒食節自翻新曲入琵琶

題王藝芸遺像

萬竹綠如海中有幽人居幽人樂寂靜門無俗
士車爐香與盃茗清供林中儲石牀眠素琴抗
懷思黃虞昭文雖不鼓山水趣有餘世無山嵇
流誰歟同居諸

題胡秋白小檀藥室讀書圖

繞城無數碧芙蓉偶有幽人駐瘦筇夜靜但依

青嶂月詩成時扣白雲鐘華嚴樓閣空中現摩
詰烟雲畫裏逢久別尚留清夢在飛鴻印雪自
留蹤

戊辰述夢

嘉慶歲丁卯我尋遂初賦心愛西湖佳卜宅杭
州住有客邀觀潮扁舟海寧去海風寒中人歸
即呻吟卧迷離夢境生四山翠屏樹中有古招
提宮觀莊嚴具我現僧伽身躑躅循崖步少年
一沙彌執燈導先路舉手向我言此地公應駐
彼岸東南隅林壑多幽趣當有窳堵波佛語親

屬付候公住此山功德方完固我時心思維此
舉非細務四海大檀越與我多親故此緣尚易
成此果應無悞心與口相商囑語自宣布家人
各驚呼吾亦豁然寤異哉此夢境幻相非吾素
事豈在後塵抑或在前度問天天不言百年如
旦暮

陳竹崖觀察鑑舟圖

民鑑原同水鑑清元龍湖海舊知名人經蓬島
桑常變舟在堂坳芥自輕舉眼江山窮萬里隨
身琴鶴證三生急流進退誰能主且向風波少

霰行

西湖泛月圖為董瑞峯太守作時太守將
入都即以送別

平湖十里鏡函空
觴詠良宵有客同
山水詩人比西子
文章太守又蘇公
萍踪離合真如海
花命升沉總是風
此去朝天卜新寵
野夫逃聽在蘆中

雙旌謠

雙旌搖搖辟路人
白面少年乘朱輪
道旁觀者屏氣立
云是中朝執法臣
去年治獄河南道
太

守郊迎先進寶河隄使者禮貌輕一紙封章達
天表財入縣官身戍邊草索牽連及襁褓今年
星軺臨濟北守令聞聲齒先擊但願使君勿作
威不惜兼金萬千鎰城西車馬喧如雷騶卒傳
呼使節來肥甘充庖馬盈廐百官旦夕趨行臺
守令入門望塵拜小大之獄評價賣大獄論萬
小論千聽者遵依不敢懈執法之臣善弄法睚
眦必報心始快濟上人家閥閥門仙李千年子
姓繁富者守財貧者怨訟牘到臺達九閭米鹽
凌雜家人事曲直亦煩使者論使者巡方訪風

俗心知此家頗饒足弟兄通籍在金閨庫有金
銀倉有粟事權在手令便行兩造銀鐺同坐獄
膏梁子弟習宴安誰料一朝遭慘辱人道使君
折獄明使君獄憑金重輕匹夫無罪懷璧罪至
此須令谿壑盈谿壑雖深填尚易使君大慾殊
難遂十萬不足五萬餘方保兩家各無事兩家
無事各無言使者歸朝報

至尊封疆大吏多關茸微臣所讞民無冤

天子臨軒賜顏色舉朝若箇如卿直宮中府中
積弊多百事皆資卿整飭從古強梁有盡時高

高上天聽則卑譖人在位千夫指中外籍籍多
微詞禍機一發不可避露雷無私待時至時至
回天枝亦窮百口流離五刑備緹騎到門妻子
散狼藉金繒堆滿地內而臧獲外田園一物以
上皆入官哆羅呢積一千版他物稱是不待言
天子臨軒親決問問汝譁張寔可恨平時厯詆
衆公卿汝身何自干國憲褫去朝衣赴東市朝
士咨嗟國人喜乃兄乃父皆賢良何緣出此不
才子十載

君恩忍負心家破身亡竟如此我聞韓城王相

國曾言此人心叵測青蠅所集白璧傷不宜聽
在

君王側太平宰相善知人將欲進賢先屏惡惜
哉相國老歸田坐使衣冠容鬼蜮御史大夫尚
風采漢廷頗重周昌在追鋒車出比匪人牽率
老夫如傀儡當時冰炭不相能此日飲章同得
罪有司簿錄饋金人重戍邊關次鬼薪豈無彌
縫漏網者依然正色列冠紳